

BOLAND ROLBAL

GRONDWET

1. **NAAM:**
Die Distrik sal bekend staan as **Boland Rolbal (hierna verwys as BR)** en sal met **Bowls South Africa (hierna BSA)** geaffilieer wees.
2. **REGSGEBIED:**
Die regsgebied sal daardie gebied wees wat deur BSA goedgekeur is, met dien verstande dat die gebied wat onmiddellik voor die inwerkingtreding van hierdie Grondwet deur die Boland Rolbalvereniging en die Boland Vrouerolbalvereniging geadministreer is, die regsgebied van Boland Rolbal vorm, met inagneming van klubs wat daarna affilieer of deaffilieer.
3. **HOOFKWARTIER:**
Die hoofkwartier sal bepaal word deur die Algemene Jaarvergadering.
4. **DOELSTELLINGS:**
Die doelstellings van BR, handelende binne sy regsgebied, sal wees om
 - (a) die spel rolbal, waaraan die deelnemers op 'n nie-professionele basis deelneem, te administreer, ontwikkel, koördineer en bevorder soos neergelê deur BSA .
 - (b) alle aangeleenthede wat van tyd tot tyd na BR deur sy geaffilieerde klubs verwys word, te oorweeg en af te handel;
 - (c) kompetisies, kampioenskappe en speelprogramme wat deur BR nodig geag word, te reël en te bestuur;
 - (d) die stigting van nuwe klubs aan te moedig;
 - (e) nuwe rolbalspelers, veral hulle afrigting deur Afrigters, aan te moedig,
 - (f) die opleiding van sy lede as Administrateurs, Afrigters, [Ledewerwing](#) en [Bemarkingsbeamptes](#), Perkemeesters, [Transformasie](#) en [Vroue Beamptes](#) en Tegniese Beamptes moontlik te maak, aan te moedig en daarmee behulpsaam te wees;
 - (g) huishoudelike reëls of regulasies met die oog op gladde en doeltreffende bedryf van aangeleenthede rakende rolbal binne sy regsgebied te formuleer, te reël en toe te pas;
 - (h) transaksies, hetsy finansiële van aard, of anders wat hy nodig ag ter bevordering van sy doelstellings, te beklink, en verder om roerende of onroerende eiendom te besit, te huur, aan te koop, te verpand of te verkoop en om sy fondse te belê, en
 - (i) om sodanige stappe te doen as wat nodig geag word ter bevordering van hierdie doelstellings.
 - 4.1 BR sal ter uitvoering van sy doelstellings toesien dat 'n Staande Komitee elk vir Afrigters, [Ledewerwing](#) en [Bemarking](#), Perkemeesters, [Transformasie](#) en [Vroue](#)

Tegniese Beamptes en Spelersvereniging tot stand kom, welke komitees minstens kwartaalliks aan die

2.

Uitvoerende Bestuur verslag sal doen aangaande hul bedrywighede.

5. LIDMAATSKAP AAN GEAFFILIEERDE KLUBS:

Aansoek om lid te word van enige klub wat geaffilieer is met BR, moet gedoen word kragtens die bepalings soos voorgeskryf in die Grondwet van die betrokke klub asook dié van BR en BSA.

6. AFFILIASIE MET BR:

- 6.1 Enige klub binne die regsgebied van BR , wat voldoen aan die bepalings van BSA en aan die bepalings van sy eie Grondwet, mag skriftelik by die Sekretaris BR aansoek doen om affiliasie.
- 6.2 Alvorens 'n klub se aansoek om affiliasie oorweeg kan word, moet die Grondwet van die betrokke klub, ledelyste en enige ander dokumentasie soos vereis deur BR , beskikbaar gestel word.
- 6.3 Geaffilieerde klubs moet veranderinge aan hulle Grondwet vir goedkeuring aan BR voorlê. Geen sodanige wysiging sal geldig wees alvorens dit deur BR goedgekeur is nie.
- 6.4 Alle geaffilieerde klubs moet binne een-en-twintig (21) dae na sy Algemene Jaarvergadering, 'n lys wat die name van sy bestuurslede vir die daaropvolgende jaar, asook die klub en sy ampsdraers se adresse en telefoonnommers weerspieël, aan die Sekretaris van BR voorsien.
- 6.5 'n Voorwaarde van affiliasie is dat 'n klub sy perk of perke na oorlegpleging met die betrokke klub, beskikbaar sal stel wanneer dit benodig word vir enige wedstryd wat deur BR en BSA aangebied word.

7. LEDEGELDE EN HEFFINGS:

- 7.1 Elke bona fide lid van 'n klub sal deur sy klub by BR geregistreer word.
- 7.2 Alle klubs wat met BR geaffilieer is, moet jaarliks voor of op 31 Oktober, sodanige ledegelde, heffings of gelde, soos deur BR en BSA neergelê, ten opsigte van die klub en persone wat op 1 Oktober bona fide lede van die klub is, oorbetaal. Sodanige gelde ten opsigte van nuwe bona fide lede, wie se lidmaatskap na 31 Oktober, maar voor of op 30 Junie deur 'n klub goedgekeur word, moet ten volle aan BR oorbetaal word sodra daardie lidmaatskap goedgekeur is. Nuwe bona fide lede wie se lidmaatskap na 30 Junie deur 'n klub goedgekeur word, is nie aanspreeklik om sodanige gelde te betaal voor 31 Oktober nie.

3.

- 7.3 Elke geaffilieerde klub moet nie later nie as 31 Oktober, tesame met die gelde vermeld in klousule 7.2, 'n lys van bona fide lede (wat besonderhede soos deur BSA verlang) van die klub verskaf, welke lys gereeld bygewerk moet word, soos neergelê in klousule 10 en 11 van die Grondwet van BSA. Indien enige van die gemelde gelde of name wat in klousule 7.2 vermeld word, nie teen 31 Oktober ontvang is nie, word alle regte en voorregte van affiliasie verbeur totdat die gelde en name ingedien word.
- 7.4 Nuwe klubs is aanspreeklik vir gelde, heffings, ander gelde en ledelyste onmiddellik nadat hulle aansoek om affiliasie aanvaar is.
- 7.5 Wanneer 'n klub die naam van 'n persoon van sy lederegister skrap, of toelaat dat so 'n persoon bedank op grond van wanbetaling van verskuldigde gelde, wangedrag of enige ander oorsaak, moet die klub sodanige optrede skriftelik by die Sekretaris van BR aanmeld.
- 7.6 BR is by magte om sodanige heffings op geaffilieerde klubs te lê as wat hy in spesiale omstandighede nodig ag.
- 7.7 Enige klub wat as lid van BR wil bedank, moet skriftelik kennis gee van sy voorneme en sal aanspreeklik wees vir alle gelde betaalbaar kragtens hierdie Grondwet tot aan die einde van die finansiële jaar wat volg op die datum van sodanige kennisgewing.

8. GESKILLE EN APPËLLE:

- 8.1 Alle geskille wat tussen 'n klub en 'n lid van daardie klub ontstaan, moet in die eerste plek deur die betrokke klub kragtens die bepaling van die betrokke klub se Grondwet oorweeg en besleg word. Indien geen ooreenkoms bereik word nie, mag enige party na die Uitvoerende Bestuur van BR appelleer kragtens die bepalings van klousule 8.3 en 8.8.
- 8.2 Die Uitvoerende Bestuur is by magte om enige van die volgende geskille te beoordeel en daaroor uitspraak te lewer:
- Tussen BR en enige geaffilieerde klub.
 - Tussen streke.
 - Tussen geaffilieerde klubs onderling, tussen 'n klub en 'n sone, tussen 'n streke en BR, tussen 'n **streek** en 'n klub asook enige appél wat aan die Uitvoerende Bestuur voorgelê word.
- 8.3 Enige appél of geskil wat aan die Uitvoerende Bestuur vir beslegting voorgelê word, moet skriftelik aan die Sekretaris gerig word nie later nie as dertig (30) dae vanaf die datum waarop die gekrenkte party die beslissing waarteen geappelleer word, ontvang het.
- 8.4 Die Uitvoerende Bestuur mag voortgaan om sodanige appél op 'n Spesiale Vergadering van die Uitvoerende Bestuur wat vir daardie doel belê is, te oorweeg, of oorweging daarvan tot sy volgende vergadering uit te stel.

- 8.5 Elk van die partye tot die geskil of appél is geregtig om skriftelik, persoonlik of deur sy verteenwoordiger, wat behoorlik daartoe gemagtig

4.

- is, sy saak te stel, met dien verstande dat sodanige verteenwoordiger beperk word tot 'n ampsdraer of lid van die betrokke klub.
- 8.6 'n Gekrenkte party wat nie met die beslissing van die Uitvoerende Bestuur tevrede is nie, mag na die Algemene Jaarvergadering BR appelleer. Sodanige appél moet skriftelik gerig word nie later nie as dertig (30) dae vanaf die datum waarop die beslissing van die Uitvoerende Bestuur aangaande die appél ontvang is.
- 8.7 Indien 'n gekrenkte party nie tevrede is met die beslissing van die Algemene Jaarvergadering van BR nie, mag hy na BSA appelleer ingevolge die bepalings van die Grondwet van BSA.
- 8.8 Elke appél na die Uitvoerende Bestuur of na die Algemene Jaarvergadering van BR, moet vergesel word van 'n bedrag van eenhonderd rand (R100,00) wat, indien die appél nie slaag nie, of gedeeltelik slaag, na die goeddunke van die Uitvoerende Bestuur of die Algemene Jaarvergadering, na gelang van die geval, geheel of gedeeltelik verbeur en by die fondse van BR inbetaal word. Indien die appél in sy geheel slaag, word die volle bedrag aan die appellant terugbetaal.
- 8.9 Indien enige dispuut sou ontstaan waarby die **Distrik** betrokke is, sy beamptes, enige klubs wat by die **Distrik** geaffilieer is en enige beamptes, spelers of lede wat onderworpe is aan die reëls van hierdie Grondwet, met betrekking tot enige saak wat uit die vertolking en toepassing van die Grondwet spruit of voortspruitend uit die sport wat deur hierdie Grondwet gereguleer word, dan sal sodanige dispuut na die Arbitrasie Forum van die Wes-Kaap Provinsiale Regering verwys word om daarmee te handel volgens die reëls van die Forum.
- ### 9. BEËINDIGING VAN LIDMAATSKAP:
- 9.1 Die Uitvoerende Bestuur is bevoeg om in die volgende omstandighede, na behoorlike ondersoek van alle toepaslike feite en, indien die Uitvoerende Bestuur dit gepas ag, na ondervraging van getuies en oorweging van toepaslike dokumentêre bewysstukke, die lidmaatskap van enige speler of klub op te skort of te beëindig:
- (a) Waar 'n speler bewuslik in 'n span gespeel het vir wie hy nie kragtens die Grondwet van daardie klub, BR of BSA geregtig was om te speel nie.
 - (b) Waar 'n speler of 'n klub wat ingeskryf het vir 'n kompetisie of enige ander bepaling wat deur BR of BSA gereël is, sonder grondige rede in gebreke gebly het om te speel.
 - (c) Waar 'n speler of 'n klub die Grondwet van BR of BSA oortree het.

- (d) Waar 'n speler of klub willens en wetens enige bepaling, opdrag, regulasie, Grondwet of reël van BR en/of BSA verontagsaam het.
- (e) Waar 'n speler of 'n klub deur die Uitvoerende Bestuur skuldig bevind is aan onbetaamlike gedrag op enige perk of in die omgewing van enige perk.

5.

- 9.2** 'n Speler of klub wie se lidmaatskap opgeskort of beëindig is, het die reg om ingevolge die bepalings van klousule 8 teen sodanige opskorting of beëindiging van lidmaatskap te appelleer en die bepalings van daardie klousule sal mutatis mutandis van toepassing wees.
- 9.3** 'n Speler wat uit 'n klub bedank, of wat deur 'n klub geskors word, mag nie aan BR kompetisies deelneem nie. Inskrywingsgelde wat reeds betaal is, sal verbeur word.
- 10. AMPTELIKE KLEURE, EMBLEEM EN VLAG:**
- 10.1** Die amptelike kleure van BR is swart en ougoud. Die embleem is 'n druiweblaar in die amptelike kleure van Boland
- 10.2** Die amptelike drag sal bestaan uit -
[klere soos deur bestuur van BR bepaal](#)
- 10.3** 'n Vlag wat die amptelike kleure en embleem wat deur die Algemene Jaarvergadering goedgekeur is, weerspieël, is die amptelike vlag van BR.
- 10.4** Die amptelike kleure mag slegs gedra en gebruik word tydens geleenthede soos van tyd tot tyd deur die Uitvoerende Bestuur bepaal en slegs deur:
- (a) spelers en voormalige spelers wat BR amptelik verteenwoordig het; en
 - (b) huidige en voormalige ampsdraers van BR.
Die sakwapen van 'n ampsdraer kan die amp wat hy/sy beklee / beklee het, weerspieël, met dien verstande dat 'n sakwapen wat die woord "Bestuur" weerspieël, aanvaarbaar is, met dien verstande voorts dat in die geval van voormalige ampsdraers, die tydperk van die ampstermyn aangebring word.
 - (c) persone wat na die mening van die UB uitsonderlike diens aan BR gelewer het.
- 10.5** Die Uitvoerende Bestuur mag sodanige kleure ontnem van enige speler of ampsdraer of voormalige speler of ampsdraer wat hom/haar skuldig maak aan onbehoorlike gedrag of indien sy/haar lidmaatskap opgeskort, of ingevolge die bepalings van klousule 9 beëindig word.
- 11. BEHEERLIGGAAM - DIE UITVOERENDE BESTUUR:**
- 11.1** Boland Rolbal sal bestuur word deur 'n Uitvoerende Bestuur (hierna UB) bestaande uit die volgende ampsdraers:
- (a) 'n President (man of vrou) wat as voorsitter van die UB en enige vergadering optree.

- (b) 'n Visepresident (man of vrou)

6.

- (c) 'n Sekretaris.
 - (d) 'n Tesourier
 - (e) Een (1) Wedstrydsekretaris, wat 'n man of vrou mag wees.
 - (f) Een (1) verteenwoordiger van elke streek, wat 'n man of vrou mag wees.
 - (g) 'n [Ledewerwing en Bemerkingsbeampte](#)
 - (h) 'n Assistentsekretaris indien die UB dit nodig ag dat die pos van Assistentsekretaris gevul word, met dien verstande dat sodanige aanstelling op 'n jaarlikse basis heroorweeg word.
- 11.2** Alle ampsdraers vermeld in klousule 11.1 (a) tot (g) word jaarliks verkies op 'n Algemene Jaarvergadering van BR of 'n Speciale Algemene vergadering wat vir daardie doel belê is.
- 11.3** 'n Uitvoerende ampsdraer is jaarliks verkiesbaar en mag meer as een amp beklee.
- 11.4** Nominasies vir die verkiesing van diesulke ampsdraers moet skriftelik minstens vyf-en-dertig (35) dae voor die Algemene Jaarvergadering aan die Sekretaris voorgelê word (welke nominasies die inligting moet bevat wat deur die UB neergelê word.) Alle geaffilieerde klubs mag persone nomineer vir die ampte van President, Visepresident, Sekretaris, Tesourier, Wedstrydsekretaris en [Ledewerwing en Bemerkingsbeampte](#)
- .
- 11.5** Indien slegs een nominasie vir die pos van enige ampsdraer ontvang word, word die genomineerde as verkose verklaar. Indien meer as een nominasie vir enige bepaalde pos ontvang word, moet 'n stemming per geslote stembrief, op die daaropvolgende Algemene Jaarvergadering plaasvind, en die genomineerde wat die meerderheid stemme ontvang, sal as verkose verklaar word. Die name van alle persone wat genomineer word vir verkiesing tot sodanige ampte, moet in die sakelys van die Algemene Jaarvergadering verskyn. Ingeval van 'n staking van stemme, nadat twee keer gestem is, sal daar geloot word. Stemme sal op die volgende basis aan klubs toegeken word:
[Die stemkrag van elke klub word as volg bepaal, 1 stem indien ledetal 25 en minder is, 2 stemme indien ledetal tussen 26 en 50 is, 3 stemme indien ledetal tussen 51 en 75 is, 4 stemme vir enige getal lede meer as 75. Klubs wat per seisoen meer as die gemiddeld inskryf in BR kompetisies kry elk 1 addisionele stem. Die maksimum aantal stemme per klub kan dus 5 stemme wees.](#)
- 11. 6** Slegs klubs binne die bepaalde streke mag 'n UB vir daardie streek nomineer. 'n Streekvertenwoordiger moet binne die grense van die streek wat hy/sy verteenwoordig, woonagtig wees en moet aan 'n klub binne die streek verbonde wees. Indien sodanige verblyf of verbondenheid beëindig word, sal die betrokke vertenwoordiger nie langer lid van die UB wees nie. Sou 'n stemming plaasvind ten opsigte van Streekvertenwoordigers, mag slegs die klubs wat in die betrokke streke geleë is, en by die Algemene Jaarvergadering teenwoordig is, aan so 'n stemming deelneem.

11. 7 Die nuutverkose UB sal sy ampspligte aanvaar onmiddellik nadat die Algemene Vergadering waarop hy/sy verkies is, verdaag het.

7.

11. 8 Indien 'n vakature om welke rede ook al, tydens die ampstermyn van die UB op die bestuur ontstaan (uitgesonderd President en Visepresident) mag die UB die vakature na goeddunke vul vir die oorblywende gedeelte van die ampstermyn.
11. 9 Die UB sal so dikwels vergader as wat omstandighede dit vereis, met dien verstande dat nie minder nie as vier (4) gewone vergaderings jaarliks gehou word. Vyf (5) lede vorm 'n kworum. Besluite van die UB word bepaal deur 'n meerderheid van stemme.
- 11.10 Lede van die UB, met inbegrip van die Assistentsekretaris (indien hy/sy aangestel word) en die Keurkomitees of enige ander komiteelede, wat deur die UB aangestel is, sal vergoed word vir uitgawes wat aangegaan word in die uitvoering van enige verpligting wat deur die UB opgedra en beheer word.
- 11.11 Die Sekretaris moet minstens sewe (7) dae skriftelik kennis gee van 'n gewone bestuursvergadering. In 'n noodgeval mag die President 'n bestuurs-/ dagbestuursvergadering belê sonder sodanige skriftelike kennisgewing. Die Sekretaris belê slegs 'n vergadering in oorleg met die President, of in sy/haar afwesigheid die Visepresident.
- 11.12 Dagbestuur (hierna DB)
Die President, Visepresident, Sekretaris en Tesourier vorm die DB van die UB.
- (a) Sake wat noodwendig onmiddellike aandag vereis en nie agterweê gehou kan word tot die volle UB vergader nie, en roetine sake.
- (b) Sake wat deur die UB aan die DB opgedra word :
Met dien verstande dat
(1) Drie (3) lede van die DB 'n kworum vorm; en
(2) alle sake wat deur die DB behandel word vir bekragtiging, of andersins, aan die UB op die volgende vergadering voorgelê word.

12. KEURKOMITEES:

- 12.1 Afsonderlike Keurkomitees om verteenwoordigende BR spanne te kies, sal by die Algemene Jaarvergadering deur die UB bekendgemaak word. Elke Keurkomitee sal uit 'n minimum van drie (3) lede bestaan (enige kombinasie mans/dames) waarvan een lid deur die UB as Sameroeper aangewys sal word. Spelers wat vir enige span aspireer, mag nie as Keurder dien om daardie betrokke span te kies nie.
- 12.2 Keurkomitees sal binne die voorgeskrewe vereistes van die keuringsbeleid van die UB funksioneer.

13. OMSKRYWING VAN PLIGTE VAN AMPSDRAERS:

- 13.1 **President:**
Die President is

- 13.1.1 Voorsitter van die UB asook van enige Algemene Vergadering en sal die beslissende stem hê ingeval van 'n staking van stemme;

8.

- 13.1.2 ex officio lid van enige Staande en Subkomitee wat deur die UB aangestel word met inbegrip van die Keurkomitee;
- 13.1.3 die verteenwoordiger van BR by alle amptelike vergaderings en funksies;
- 13.1.4 Verantwoordelik vir die aanwys van die Visepresident om per geleentheid in sy/haar plek te ageer.

13.2 **Visepresident:**

- 13.2.1 Die Visepresident, soos deur die UB aangewys, moet tydelik as President ageer wanneer laasgenoemde nie in staat is om sy/haar pligte uit te voer nie.
Verdere pligte uitvoer soos deur die UB bepaal.

13.3 **Sekretaris:**

- 13.3.1 Die Sekretaris moet al die sekretariële pligte verbonde aan hierdie amp uitvoer sowel as enige ander pligte wat deur die UB aan hom/haar opgedra word.

13.4 **Tesourier:**

- 13.4.1 Die Tesourier moet alle finansiële pligte verbonde aan hierdie amp uitvoer sowel as enige ander rekenkundige pligte wat deur die UB aan hom/haar opgedra word.

13.5 **Wedstrydsekretaris:**

- Die Wedstrydsekretaris moet onder die leiding en beheer van die UB
- 13.5.1 alle BR Kompetisies reguleer;
- 13.5.2 klubperke en geriewe vir gebruik van BR Kompetisies aanwys en reguleer;
- 13.5.3 alle kompetisie-inskrywingsgelde aan die Tesourier oordra;
- 13.5.4 die uitslae van alle kompetisies wat deur hom/haar gereël word, ontvang en boekstaaf;
- 13.5.5 'n behoorlike rekord hou van alle trofee wat toegeken word welke rekords die volgende besonderhede sal weerspieël:
- (a) aan wie toegeken;
- (b) klub waar trofee geberg word;
- (c) aan wie oorhandig, en
- 13.5.7 aan die UB sowel as aan die Algemene Jaarvergadering verslag doen van alle kompetisies wat gespeel is.

13.6 **Streekvertenwoordigers op die UB:**

UB lede van die onderskeie steke moet alle verteenwoordigings- en skakelingsfunksies tussen die klubs in die betrokke streke en die UB op alle vlakke behartig, en moet periodiek Streek-klubvergaderings hou met die doel om

- * die spel te bevorder;
- * om bestuursbeleid oor te dra en

9.

- om die wense en behoeftes van die klubs te bepaal en aan die UB oor te dra.

13.7 Ledewerwing en Bemarkingsbeampte

Die **Ledewerwing en Bemarkingsbeampte**, met die bystand van 'n Staande Komitee, moet die bekendstelling, bevordering en uitbreiding van die spel op alle terreine en tussen alle geslagte en ouderdomsgroepe behartig.

13.8 Die Uitvoerende Bestuur(UB):

Die magte en pligte van die UB behels die volgende:

- (a) Alle pligte wat met die algemene administrasie van BR verband hou.
- (b) Die uitvoering van alle besluite met betrekking tot gelde, trofees en eiendom van BR soos deur die Algemene Jaarvergadering opgedra.
- (c) Die reël van versekering van al die trofee en ander eiendom van BR teen sodanige risiko's as wat nodig geag word.
- (d) Die behartiging en verdediging namens BR van enige regsgeging waartoe hy 'n party is, met dien verstande dat die lede van die UB in hul persoonlike hoedanigheid deur BR gevrywaar word teen enige koste en eise wat uit sodanige geding mag voortspruit.
- (e) Die instel, bestuur en beheer van sodanige kompetisies wat hy nodig en wenslik ag.
- (f) Die afstel en/of terminering van enige kompetisie indien nodig of wenslik.
- (g) Die bepaling van voorwaardes vir kompetisies.
- (h) Die bepaling van die tye wanneer en die plekke waar kompetisies gespeel sal word.
- (i) Die bepaling van die datum, tyd en plek van 'n Algemene Jaarvergadering of 'n Spesiale Algemene Vergadering.
- (j) Die voorlegging aan 'n Algemene Jaarvergadering van enige mosies of aanbevelings wat nodig geag word.
- (k) Die aanwys van afgevaardigdes om BR op enige vergadering te verteenwoordig onderhewig aan die bepalings van klousule 13.1.
- (l) Die aanwys van gediplomeerde Tegniese Beamptes vir enige kompetisie of die delegering van die aanwys van sodanige Tegniese Beamptes aan enige geaffilieerde klub of die Tegniese Beamptes Staande Komitee.

- (m) Die aanstel van 'n komitee of adhoc-komitee en die bepaling van sy opdragte in verband met enige taak wat die UB nodig ag.

10.

- (n) Met die uitsondering van die **Ledewerwing en Bemarkingsbeampte** wat genomineer word soos in klousule 11.4 uiteengesit, die jaarlike aanwys van Staande Komitees vir **Ledewerwing en Bemarking**, Afrigters, Tegniese Beamptes, **Transformasie en Vroue** en Perkemeesters om te verseker dat verteenwoordiging van alle streke op die onderskeie Staande Komitees, die bepaling van hulle onderskeie opdragte en skakeling met die BR **Ledewerwing en Bemarking**, Perkemeesters, Tegniese Beamptes, **Transformasie en Vroue** en Afrigters Staande Komitees oor enige aangeleenthede wat hy goed ag.
- (o) Die formulering van nuwe huishoudelike reëls en/of regulasies, met dien verstande dat sodanige nuwe huishoudelike reëls of regulasies en/of wysigings goedgekeur word deur die eersvolgende Algemene Jaarvergadering.
- (p) Die afhandeling van enige saak wat onmiddellike of dringende aandag vereis.
- (q) Die aanstelling, afdanking en/of vervanging, waar van toepassing, van 'n Bestuurder vir verteenwoordigende spanne van BR en die bepaling van die pligte van sodanige Bestuurder.
- (r) Die aanhoor van appèlle en die oorweging van optrede aangaande geaffilieerde klubs en lede ingevolge die Grondwet.
- (s) Die aanwys van Keurders.
- (t) Die ondersoek van bane in oorleg met die Perkemeesters Staande Komitee.
- (u) Die aanbeveling van Lewenslange Erelede en ontvangers van Uitsonderlike Diens toekennings.
- (v) Die goedkeuring van klubkleure en -drag binne die raamwerk wat deur BSA neergelê word.
- (w) Die vasstelling van verordeninge, reëls en regulasies wat nie teenstrydig is met die Grondwet van BSA of hierdie Grondwet nie.

13.9

Die magte en pligte van die DB behels die volgende:

- (a) Sake wat noodwendig onmiddellike aandag vereis en nie agterweë gehou kan word tot die volle UB vergader nie en roetine sake
- (b) Sake wat deur die UB aan die DB opgedra word met dien verstande dat

- (1) drie (3) lede van die DB 'n kworum vorm en
- (2) alle sake wat deur die DB behandel word moet vir bekragtiging of andersins aan die UB op die volgende vergadering voorgelê word.

11.

14. ALGEMENE VERGADERINGS:

- 14.1 Algemene Jaarvergadering:
- (a) BR sal sy Algemene Jaarvergadering hou op 'n plek soos deur die UB besluit nie later nie as 31 Augustus van elke jaar. (Die Algemene Jaarvergaderings van alle klubs moet verkieslik jaarliks nie later nie as 30 Junie gehou word.)
 - (b) 'n Kennisgewing van die Algemene Jaarvergadering, vergesel van afskrifte van die sakelys en finansiële state, moet minstens een-en-twintig (21) dae voor die Algemene Jaarvergadering deur die Sekretaris aan die geaffilieerde klubs en lede van die Uitvoerende Bestuur versend word.
 - (c) Elke geaffilieerde klub sal geregtig wees om twee (2) bona fide lede (mans of vrouens) van daardie klub is, as afgevaardigdes te benoem om die klub op die Algemene Jaarvergadering te verteenwoordig. Die name van sodanige afgevaardigdes moet voor die Algemene Jaarvergadering aan die Sekretaris versend word.
 - (d) Die stemkrag van elke klub word as volg bepaal, 1 stem indien ledetal 25 en minder is, 2 stemme indien ledetal tussen 26 en 50 is, 3 stemme indien ledetal tussen 51 en 75 is, 4 stemme vir enige getal lede meer as 75. Klubs wat per seisoen meer as die gemiddeld inskryf in BR kompetisies kry elk 1 addisionele stem. Die maksimum aantal stemme per klub kan dus 5 stemme wees.
 - (e) Dienende ampsdraers waarna in klousule 11.1 verwys word, moet 'n Algemene Jaarvergadering bywoon en sal elk op een stem geregtig wees. Sodanige ampsdraers mag nie afgevaardigdes van enige geaffilieerde klub wees nie.
 - (f) Sake wat by die Algemene Jaarvergadering behandel moet word, is
 - * die voordrag van die kennisgewing van die vergadering;
 - * ontvangs van geloofsbriewe van afgevaardigdes;
 - * die aanhoor van verskonings;
 - * die aantekening van sterfgevalle;
 - * die voorlees en bekragtiging van die notule van die vorige Algemene Jaarvergadering en die behandeling van sake wat daaruit voortspuit;
 - * die voorlegging en aanvaarding van die President se verslag;
 - * die voorlegging en goedkeuring van die jaarlikse geouditeerde finansiële verslag en 'n begroting;

- * die bepaling en vasstelling van jaarlikse ledegelde en heffings wat kragtens hierdie Grondwet betaalbaar is;
- * die behandeling van korrespondensie wat op die spesifieke vergadering betrekking het;
- * die verkiesing van die UB vir die eerskomende jaar
- * die aanwys van 'n Ere-Ouditeur;
- * die bepaling van honoraria;
- * die bepaling van die Hoofkwartier;
- * die oorweging van mosies oor Grondwetlike wysigings;

12.

- * die oorweging van kennisgewings van mosies en ander aangeleenthede wat deur die UB na die Algemene Jaarvergadering verwys is;
 - * die oorweging van mosie kennisgewings wat ingevolge klousule 14.1(g) deur klubs ingedien is;
 - * die oorweging van mosie kennisgewings om aan die Algemene Jaarvergadering van BSA voor te lê;
 - * die verkiesing van lewenslange Erelede ooreenkomstig die voorstelle deur die UB;
 - * die vasstelling van inskrywingsgelde betaalbaar deur elke speler of span wat deelneem aan bepalings van BR ;
 - * die onderverdeling van streke van die regsgebied van BR ;
 - * die delegering van enige sake of magte aan die UB onderhewig aan sodanige voorwaardes as wat die Algemene Jaarvergadering nodig mag ag;
 - * die oorweging van aangeleenthede van algemene aard.
- (g) Skriftelike kennisgewing van enige sake wat afgevaardigdes by die Algemene Jaarvergadering aanhangig wil maak, moet nie later nie as vyf-en-dertig (35) dae voor die Algemene Jaarvergadering by die Sekretaris ingedien word, welke kennisgewing volledige besonderhede van die tersaaklike mosie sowel as 'n omvattende toeligting daarvan moet bevat.
- (h) Behalwe waar andersins ooreengekom word, word alle besluite wat by 'n Algemene Jaarvergadering geneem word, onmiddellik van krag.

14.2 Spesiale Algemene Vergadering:

- (a) 'n Spesiale Algemene Vergadering mag te eniger tyd belê word deur die UB op grond van 'n skriftelike versoek gerig aan die Sekretaris deur ten minste vyf (5) geaffilieerde klubs, waarin die redes vir die versoek duidelik uiteengesit word. Sodanige versoek moet deur die Presidente/ Voorsitters en Sekretaris van die klubs wat die Spesiale Algemene Vergadering aanvra, onderteken wees.

- (b) Kennisgewing van 'n Spesiale Algemene Vergadering waarin die doel van die vergadering gemeld word, sal minstens dertig (30) dae vooraf aan alle klubs versend word en slegs die aangeleentheid waarvoor die vergadering belê is, sal bespreek word onderhewig aan die bepalings van klousule 14.2(d).
- (c) Besluite wat by 'n Spesiale Algemene Vergadering geneem word, moet gedek word deur 'n tweederde meerderheidstem van die afgevaardigdes teenwoordig, met dien verstande dat enige stemming by sodanige vergadering per stembrief geskied.

13.

- (d) Indien minstens twee-derdes van die afgevaardigdes teenwoordig by 'n Jaarlikse of Spesiale Algemene Vergadering daartoe instem, mag die UB enige saak by so 'n vergadering oordra of opper.
- (e) Die bepalings van klousule 14.1(c) en 14.1(d) is mutatis mutandi van toepassing op 'n Spesiale Algemene Vergadering.

15. KWORUM BY VERGADERING:

- 15.1 Drie-en-dertig persent (33%) van die klubs wat met BR geaffilieer is, sal 'n kworum vorm by 'n Algemene Jaarvergadering of Spesiale Algemene Vergadering.
- 15.2 Indien daar binne dertig (30) minute vanaf die tyd waarop 'n Algemene Jaarvergadering belê is, nie 'n kworum teenwoordig is nie, word die vergadering verdaag en op 'n latere datum deur die UB herbelê.
- 15.3 In die geval waar 'n kworum soos uiteengesit in klousule 15.1 nie binne dertig (30) minute vanaf die aanvangstyd waarop 'n Spesiale Algemene Vergadering wat kragtens klousule 14.2 belê is, teenwoordig is nie, word die vergadering afgestel.

16. WYSIGING VAN DIE GRONDWET:

- 16.1 Die Grondwet mag tydens 'n Algemene Jaarvergadering of 'n Spesiale Algemene Vergadering wat vir die doel belê is, gewysig word.
- 16.2 Enige wysiging aan die Grondwet sal geskied met 'n tweederde meerderheidstem van teenwoordige lede wat stemgeregtig is, welke wysiging in ieder geval onderhewig is aan die goedkeuring van BSA.
- 16.3 Geen wysigings aan die Grondwet sal oorweeg word tensy die lid of klub ingevolge klousule 14.1(g) skriftelike kennisgewing van sodanige wysiging gegee het of tensy 'n wysiging wat deur die UB voorgelê word ingevolge klousule 14.1 (h), van kennis gegee is nie.
- 16.4 Kennis van sulke wysigings sal ingevolge die bepalings van klousule 14.1 (b) aan alle geaffilieerde klubs en UB gegee word.

17. VERTEENWOORDIGENDE WEDSTRYDBEPALINGS:

- 17.1 Boland Rolbal mag, na goeddunke, verteenwoordigende wedstryde reël en spelers en spanne kies om BR te verteenwoordig.

- 17.2 Keuring van sulke spelers en spanne word deur die Keurkomitees gedoen, welke keuring voor die amptelike bekendstelling deur die UB bekragtig moet word.
- 17.3 Slegs 'n BR geaffilieerde speler wat sy/haar rolbal hoofsaaklik by 'n BR Klub speel, en wat deur daardie klub aan BR kompetisies deelneem, sal in aanmerking kom om in 'n BR span opgeneem te word. Dit sal uitsluitlik by die UB berus om te besluit of 'n speler ingevolge hierdie bepaling kwalifiseer of nie.

18. STREKE BINNE BR :

Die regsgebied van BR mag in streke onderverdeel word. Sodanige onderverdeling of wysiging daarvan vind plaas by 'n Algemene

14.

Jaarvergadering of 'n Spesiale Algemene Vergadering wat vir die doel belê is, onderhewig aan sulke voorwaardes as wat deur daardie vergadering neergelê word. Die UB mag aanbevelings in hierdie verband doen.

19. REÛLS VAN DIE SPEL:

Die spel rolbal word gespeel volgens die reëls van die spel soos voorgeskryf deur BSA en BR .

20. FINANSIËLE JAAR:

Die finansiële jaar sal strek vanaf 1 April van elke jaar tot 31 Maart van die daaropvolgende jaar.

21. VERTOLKING:

Ingeval van enige twyfel aangaande die betekenis van enige bepaling van hierdie Grondwet of die Huishoudelike Reëls of Regulasies, sal die vertolking van die UB op alle betrokkenes bindend wees tot tyd en wyl 'n ander uitspraak deur die Algemene Jaarvergadering of Spesiale Algemene Vergadering gegee word.

22. FONDSE

Die inkomste en eiendom van BR , ongeag die bron daarvan, sal uitsluitlik aangewend word vir die doelstellings van BR , en geen gedeelte daarvan mag hoegenaamd, direk of indirek by wyse van 'n bonus of andersins aan enige persoon of instansie betaal of oorgemaak word nie: Met dien verstande dat niks hierin bepaal, verhoed dat BR te goeder trou redelike besoldiging aan enige beampte of werknemer of instansie maak ter vergoeding van dienste gelewer nie.

- (a) Surplus fondse van BR sal belê word by finansiële instellings soos omskryf in Artikel 1 van die Wet op die Raad van Finansiële Dienste (Wet 97 van 1990)
- (a) By die likwidasie, deregistrasie of ontbinding van BR , en nadat alle skulde van BR betaal is, word die bates gegee en oorgemaak aan 'n vereniging of inrigting of verenigings of inrigtings wat dieselfde of soortgelyke doelstellings as BR se

hoofdoelstelling het, en wat ook vrygestel is van inkomstebelasting ingevolge die bepaling van Artikel 10(1)(cN) van die Inkomstebelastingwet (Wet No 58 van 1962 soos gewysig); sodanige begunstigde(s) bepaal te word deur BR op 'n Algemene Jaarvergadering of 'n Spesiale Algemene Vergadering wat vir hierdie doel belê is, by ontstentenis waarvan sodanige bepaling deur die Hof gemaak word. Die begunstigde(s) moet ingevolge Artikel 13(5) van die NPO Wet van 1997 geregistreer wees.

15.

23 LIKWIDASIE VAN BR :

BR kan gelikwiede word op versoek van minstens driekwart van al die klubs wat met BR geaffilieer is en wat sodanige likwidasië wenslik ag, onderhewig aan die goedkeuring van 'n Algemene Jaarvergadering of 'n Spesiale Algemene Vergadering wat spesifiek vir dié doel belê is.

24. WOORDBEPALINGS:

- ♦ **Algemene Jaarvergadering:** 'n Vergadering kragtens klousule 14.1
- ♦ **Geaffilieerde Klub:** 'n Klub wat kragtens klousule 5 met BR geaffilieer is.
- ♦ **Keurkomitee:** 'n Keurkomitee wat kragtens klousule 12 aangewys is.
- ♦ **Spesiale Algemene Vergadering:** 'n Vergadering wat kragtens klousule 14.2 belê is.
- ♦ **Uitvoerende Bestuur (UB):** Die Komitee wat kragtens klousule 11 aangewys is.
- ♦ **Dagbestuur (DB):** Die Komitee wat kragtens klousule 11 aangewys is.
- ♦ **Afrigters Staande Komitee:** 'n Liggaam wat kragtens klousule 4.1 funksioneer.
- ♦ **Tegniese Beamptes Staande Komitee:** 'n Liggaam wat kragtens klousule 4.1 funksioneer.
- ♦ **Perkemeesters Staande Komitee:** 'n Liggaam wat kragtens klousule 4.1 funksioneer.
- ♦ **Staande Komitee vir Ledewerwing en Bemaking:** Die komitee wat kragtens klousule 13.7 funksioneer.

16.

REÛLS EN REGULASIES

- B.1 Die UB sal die Beheerliggaam wees vir doeleindes van die toepassing van die reëls van die Spel, soos neergelê deur BSA
- B.2.1 Klubs waar wedstryde geskeduleer is om plaas te vind, sal verantwoordelik wees vir die behoorlike toestand van die perke en sal dit uitlê soos BR dit benodig. Hulle sal telkaarte, behoorlik voltooi met name, baannommers ens, voorsien en Tegniese Beamptes aanstel. Indien 'n klub nie geskikte Tegniese Beamptes vir kampioenskapeind-en half-eind bepalinge beskikbaar kan stel nie, moet die klub die BR Staande Komitee vir Tegniese Beamptes nader wat 'n Tegniese Beampte vir die geleentheid sal aanwys. (Sien ook B.12)
- B.2.2 Indien 'n klub wat sy baan vir 'n BR bepaling beskikbaar gestel het, vind dat sy baan nie vir daardie bepaling geskik of gereed sal wees nie, moet daardie klub minstens veertien (14) dae voor sodanige bepaling die Wedstrydsekretaris inlig en laasgenoemde moet die bepaling aan 'n ander klub toeken en al die deelnemers aldus inlig.
- B.3 'n Speler wat lid van meer as een BR geaffilieerde klub is, moet aan die begin van elke seisoen die klub van sy/haar voorkeur aanwys waarvoor hy/sy gedurende daardie seisoen rolbal sal speel in amptelike BR kompetisies, -kampioenskappe of ligabepalinge. Nadat sodanige aanwysings gedoen is, mag daardie speler geen ander klub in amptelike kompetisies, kampioenskappe of ligabepalinge van BR verteenwoordig nie, met uitsondering van die toevoegings in B.3.1 hieronder, wat die enigste uitsonderings is. Indien geen sodanige aanwysings gedoen is nie, sal verklaring van voorneme afgelei word uit die eerste inskrywing vir 'n amptelike kompetisie, kampioenskap of ligabepaling van BR vir die seisoen.
- B.3.1 Indien 'n klub nie oor voldoende spelers beskik vir 'n BR kompetisie nie, mag daardie klub van spelers van 'n buurklub gebruik maak, mits
- * laasgenoemde klub en speler(s) by BR geaffilieer is;
 - * laasgenoemde klub toestemming verleen; en

- * die betrokke speler(s) nie in daardie kompetisie gedurende die bepaalde seisoen vir enige ander span gespeel het nie.
- * Hierdie toegewing is beperk tot hoogstens twee spelers per span.

17.

- B.4 'n Prysuitdelingsfunksie sal gehou word op 'n plek, tyd en datum wat deur die UB bepaal word. Die klub wat enige wisseltrofee wen, sal dit hou tot die volgende prysuitdeling by welke geleentheid dit betyds vir die volgende oorhandiging aan die Wedstrydsekretaris terugbesorg moet word, nadat dit behoorlik op die klub se koste gegraveer is.
- B.5 (a) Die Wedstrydsekretaris moet vroegtydig alle geaffilieerde klubs nader om inskrywings te kry vir amptelike kompetisies, kampioenskappe of ligabepalings en sal reël vir die loting, tesame met 'n lid van die UB of die Keurkomitee, by 'n plek en op 'n tyd soos ooreengekom en onderworpe aan sodanige voorwaardes soos wat deur die UB neergelê word. Klubs waar sodanige kompetisies gespeel word moet onmiddellik die telkaarte na die Wedstrydsekretaris versend.
- B.6 Die volgende kampioenskabepalings word jaarliks gehou:
BR Kampioenskaptoernooie:
- * Mans/Dames Enkelspelkampioenskappe
 - * Mans/Dames Parespelkampioenskappe
 - * Mans/Dames Driespelkampioenskappe
 - * Mans/Dames Vierspelkampioenskappe
 - * Gemengde Parespel Kampioenskappe
 - * Gemengde Vierspelkampioenskappe (2 mans en 2 dames)
 - * [Gemengde Vywekampioenskappe \(minstens 2 per geslag\)](#)
 - * Mans/Dames Senior Enkelspelkampioenskappe
 - * [Mans/Dames Senior Driespelkampioenskappe](#)
 - * Mans/Dames Senior Vierspelkampioenskappe
 - * Mans/Dames Beginners Enkelspelkampioenskappe (slegs vir spelers wat nie meer as drie [3] jaar, vanaf die eerste aansluiting by 'n klub, rolbal speel nie)
 - * Mans/Dames Kampioen van Kampioene
 - Mans/Dames Ope Meesters

18.

- * Mans/ Dames Senior Meesters
 - * Boland [pro 10 Pare](#)
- Enige ander kompetisies wat deur die UB goedgekeur word.
- B.7 Ingeval 'n span weens onvoorsiene omstandighede onttrek of gediskwalifiseer word voordat 'n kompetisie, kampioenskap of ligabepaling afgehandel is, word al die tellings wat vir en teen daardie span aangeteken is, van die rekords verwyder.

- B.8 (a) Nadat die inskrywings vir amptelike kompetisies- en kampioenskabepalings gesluit het en die loting van die ingeskrewe enkelspelers gedoen is, mag 'n speler onttrek en deur 'n ander speler van dieselfde klub vervang word, mits die spel nog nie begin het nie.
- (b) Nadat die inskrywings vir amptelike kompetisie- en kampioenskabepalings gesluit het en die loting van die ingeskrewe parespel gedoen is, mag een of albei spelers van 'n parespan deur 'n ander speler / s van dieselfde klub vervang word, mits die eerste wedstryd nog nie begin het nie.
- (c) By die drie- en vierspelkompetisies sal spanne toegelaat word om 'n plaasvervanger te gebruik indien enige speler weens onvoorsiene omstandighede nie aan 'n verdere rondte van 'n amptelike BR kompetisie kan deelneem nie, met dien verstande dat sodanige plaasvervanger nie vir 'n ander span in die betrokke kompetisie gespeel het nie.
- B.9 Ingeval 'n klub of 'n speler onttrek nadat die trekking vir 'n kompetisie gedoen is, word die inskrywingsgelde verbeur en by die bankrekening van BR inbetaal.
- B.10 Indien 'n speler sonder aanvaarbare rede versuim om op te daag by 'n kompetisie waarvoor hy/sy ingeskryf het, sal hy/sy vir die volgende seisoen nie toegelaat word om vir die betrokke BR kompetisie in te skryf nie.
- B.11 Die amptelike geskeduleerde wedstryde moet streng nagekom word. Indien 'n speler of span versuim om 'n bepaalde wedstryd te speel, sal die wedstryd aan die opponent toegeken word. Indien 'n wedstryd om 'n aanvaarbare rede nie op 'n bepaalde datum, tyd en/of plek kan plaasvind nie, mag die betrokke spelers ooreenkom dat die wedstryd op 'n ander datum, tyd en/of plek plaasvind, mits die betrokke Wedstrydsekretaris sy/haar toestemming gee. Die klub waar die wedstryd gespeel sou word, moet in kennis gestel word as die geskeduleerde wedstryd nie meer by die betrokke klub sal plaasvind nie. Indien die betrokke spelers nie ooreen kan kom nie, sal daar streng by die oorspronklike program gebly word.
- B.11.1 Die plek en datum van die finaal mag slegs in uitsonderlike gevalle gewysig word, met dien verstande dat
- * die betrokke Wedstrydsekretaris toestemming gee;
 - * beide spanne toestem;

19.

- die wedstryd binne sewe dae vanaf die geprogrammeerde datum plaasvind, en
 - * die klub waar die wedstryd sou plaasvind, tydig deur die betrokke partye in kennis gestel word.
- Indien 'n speler nie in die finaal kan speel nie, moet 'n reserwe, wat nie vir 'n ander span in die kompetisie gespeel het nie, gebruik word.

- B.12 Alle nominasies vir (1) deelname aan proewe en (2) verteenwoordiging op 'n komitee of subkomitee van BR , moet via die Streekverteenwoordigers gedoen word.
- B.13 Drie wedstryde per dag, om 09:00, 11:30 en 14:00 sal in die BR Senior Enkelspelkompetisie gespeel word. Die plaaslike klub sal merkers vir die eerste wedstryd om 09:00 verskaf. Spelers wat in die eerste wedstryd uitval, moet help om te merk indien daar nie genoeg merkers beskikbaar is nie.

Hersien en goedgekeur deur die Algemene Jaarvergadering gehou te Worcester op die 30ste dag van Julie 2016

President

Sekretaris